

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Menippus sive dialogorum satyricorum centuria inanitatum nostratum speculum

Andreä, Johann Valentin

Cosmopoli [i.e. Straßburg], 1618

69. Vtopia

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

ut Gregorius Nazianzenus de illis extempore orationis mercenariis ait, unius diei sanctos facitis, sapientesque iuberis esse eos, qui nulla praeclari sunt sapientia, & qui nil ad gradum praeterquam vel le adferunt. B. Agnosco errorem nostrum. A. At duriora ab eodem de suo ordine audi. Purgant inquit, priusquam purgantur; heri sacrilegi, hodie sacerdotes; heri sacrorum expertes, hodie in sacris duces; veteres in malitia, at tenues in pietate.

69 V T O P I A.

A. Quid hic literas lectitas? B. Vah oportune, laternam tuam velim! A. Quid? ut meridie literas videas. B. Non: sed his literis ut satisfaciam. A. Insolitas literas ais. B. Credibile est, cum ex fortunatis Insulis adveniant. A. Iamne rediit illa orbis ambula navis? B. Rediit, ac illuc iterum ire cogitat. A. Quid actura? B. Advectura incolae novae ibi coloniae. A. En me quoque si fortunatorum in coloniam deducendus sum. B. Nescis tu an eorum numero sis, quos volumus, mihi quidem lucerna conquirendi creduntur. A. Dic quales velis, ac me dein examina. B. Volo Sacerdotes qui Christum imitari; volo Legisperitos, qui proximum diligere; volo Medicos qui modum servare; volo Philosophos, qui seipos nosse; volo literatos, qui verum scire: volo optimates, qui bonum agere; volo artifices, qui ingenium excolere; volo politicos, qui Mundum contemnere; volo felices,

lices, qui carnem domare, volo Evangelicos, qui crucem perferre; volo Christianos, qui futuris inniti voce & exemplo doceant. A. Hoc unico exempli verbo me plane deiecisti: nam adducturus tibi eram plurimos, quorum oris est magna promptitudo, ingenijque sagacitas, sed representando minus felices sunt. B. Tu Rhetores illos Athenienses ais, qui maledicendo omnium maxime strenui, dimicando ignavi fuerunt. A. Nonne vero mirum est vocem & exemplum raro conjungi, disunctas frequenter occurrere. Nam scire & non facere; facereque & non scire in promptu passim est; scire facereque propemodum nullibi apparet. B. O infelix divortium, & cui jungendo merito Vtopiani illi insudant! A. Quam tu Vtopiam nominas? B. Illam coloniam quæ tam raris incolis habitatur. A. Tibi ergo colligendorum partes data sunt? B. Vides, at quid profecerim hæc tibi chartæ dicent, in seipice catalogum. A. Papyri satis, at ubi inscripti? B. Verte folia. A. Nihil apparet. B. Volue, & reolve. A. Frustra sum. B. Evolve. A. Vah in fine aliqui, atque ex infima sorte. B. Sic convenit: nam qui sublimiores, omnes iter denegatunt. A. Obsecro te ascribe & me, saltem quia omnibus sordedo, & vileo, & sum invisus. B. At cui classi annumerabo. A. Tu videris, modo recipiar. B. Noli properare, nec enim navim hodiè aut cras solvimus. A. Vah, si non alius fiat bonorum concursus, haud triremi quidem sed cymbula, aut aslere in Vtopiam navigabimus.